

BOSNA I HERCEGOVINA
FEDERACIJA BOSNE I HERCEGOVINE
FONDACIJA ZA PRUŽANJE POMOĆI U RJEŠAVANJU
STAMBENIH PITANJA PRIPADNIKA BORAČKIH POPULACIJA
ul. Danijela Ozme 7, Sarajevo, tel.033/558-900

Na osnovu člana 5. Pravilnika o uslovima, načinu i kriterijima za dodjelu sredstava za pružanje pomoći u rješavanju stambenih pitanja pripadnika boračkih populacija a u skladu sa Odlukom o raspisivanju javnog oglasa Upravni odbor Fondacije za pružanje pomoći u rješavanju stambenih pitanja pripadnika boračkih populacija objavljuje redovni godišnji:

JAVNI OGLAS
ZA PRUŽANJE POMOĆI U RJEŠAVANJU
STAMBENIH PITANJA PRIPADNIKA BORAČKIH POPULACIJA

I

Predmet Javnog oglasa je pružanje pomoći u rješavanju stambenih pitanja pripadnika boračkih populacija iz raspoloživih sredstava Fondacije namjenjenih za:

Odobrenje kredita

Sredstva za pojedine vidove pomoći mogu se odobriti za slijedeće namjene:

1. opravku i sanaciju porodičnih stambenih objekata,
2. opravku i sanaciju stanova,
3. izgradnju novih porodičnih stambenih objekata,
4. izgradnju stanova (nadziđivanje i nadgradnjom, pretvaranjem zajedničkih prostorija u stanove i sl.),
5. kupovinu stambenog objekta ili stana.

II

Prema namjeni, sredstva iz tačke I raspoređuje se kako slijedi:

dodjela kredita:

- a) za opravku i sanaciju stambenih objekata i stanova,
- b) za izgradnju novih porodičnih stambenih objekata i stanova kao i kupovinu stambenog objekta ili stana,

III

Opći uslovi:

- pripadnost boračkoj populaciji (ratni vojni invalidi, porodice šehida i poginulih ili nestalih boraca, demobilisani borci, porodice umrlih ratnih vojnih invalida i porodice umrlih demobilisanih boraca),
- državljanstvo Bosne i Hercegovine,
- neriješeno stambeno pitanje na području Bosne i Hercegovine.

Sa neriješenim stambenim pitanjem smatraju se lica koja lično ili član njegove uže porodice u smislu Porodičnog zakona nemaju bilo kakvu stambenu jedinicu na području Bosne i Hercegovine ili tu stambenu jedinicu ne mogu koristiti bez obezbjeđenja minimalnih uslova za stanovanje.

Ukoliko je podnosilac zahtjeva u periodu od 30.04.1991. godine do objave javnog oglasa svoj stambeni objekat otuđio i na bilo koji način prenio na drugo lice, smatrat će se da je njegovo stambeno pitanje riješeno.

IV

Posebni uslovi:

- stambena situacija (kolektivni smještaj, podstanar, privremeni smještaj sa rješenjem nadležnog organa, privremeni smještaj u pomoćnom objektu u mjestu povratka, živi kod svojih roditelja ili roditelja bračnog druga)
- porodične prilike (broj članova porodice uključujući i podnosioca)
- učešće u Oružanim snagama (vrijeme provedeno u Oružanim snagama od 8.4.1992. do 23.12.1995. godine)
- invalidnost (od 20% do 100%)
- ratna priznanja Armija BiH i MUP (Zlatni ljiljan, Zlatna policijska značka i Medalja za hrabrost) i HVO i MUP HB ((Red hrvatskog trolista, Red bana Jelačića, Red Nikole Šubića Zrinjskog i Red kneza Domagoja s ogrlicom)
- učešće u reprezentaciji BiH u invalidskom sportu (na europskim, svjetskim i paraolimpijskim takmičenjima)

Navedeni posebni uslovi se boduju u skladu sa utvrđenim kriterijima.

Pored bodova dobijenih po svim naprijed navedenim uslovima, povratnicima u Republiku Srpsku pripadaju dodatni bodovi.

V

Dodjela novčane pomoći:

Kredit

- a) Pomoć u vidu kredita za namjene iz tačke II pod a) može se dodijeliti u iznosu do 10.000,00 KM na period otplate do 10 godina uz godišnju kamatu od 3% i troškove bankarskih usluga.
- b) Pomoć u vidu kredita za namjene iz tačke II pod b) može se dodijeliti u iznosu do 20.000,00 KM na period otplate do 15 godina, uz godišnju kamatu od 2% i troškove bankarskih usluga.

Tražilac kredita je kreditno sposoban ukoliko jednom trećinom svog mjesečnog primanja ili solidarno sa bračnim drugom može podmiriti određeni mjesečni anuitet za vraćanje odobrenog kredita s tim da predoči dokaz o primanjima iz radnog odnosa, boračko-invalidske zaštite, penzije i drugih osnova.

Garancije za vraćanje kredita (žiranti, hipoteka i dr) obezbjedit će se međusobnim ugovorom korisnika kredita i poslovne banke preko koje će se vršiti plasman kredita.

VI

Prijave na oglas

Zahtjev za pružanje pomoći za rješenje stambenih pitanja po ovom oglasu, mogu podnijeti pripadnici boračkih populacija pojedinačno.

Podnosilac prijave na oglas za odobravanje kredita mora naznačiti namjenu za koju traži kredit.

Uz zahtjev za pružanje pomoći potrebno je priložiti dokaze o ispunjavanju općih i posebnih uslova iz ovog oglasa a posebno:

- 1 Uvjerenje o pripadnosti Oružanim snagama izdato od Općinskog sekretarijata odbrane, odnosno od nadležnog ministarstva unutrašnjih poslova za periodu od 8.4.1992. do 23.12.1995. godine,
- 2 Uvjerenje o državljanstvu ili ovjerena fotokopija Cipsove ličene karte,
- 3 Ovjerena kopija prijave stalnog boravka ili privremenog boravka izdata od nadležnog MUP-a (CIPS),
- 4 Uvjerenje o kretanju podnosioca zahtjeva izdato od nadležnog MUP-a od 1991.godine do dana podnošenja zahtjeva,
- 5 Uvjerenje nadležnog organa za stambene, imovinsko-pravne i katastar o posjedovanju ili vlasništvu stambene jedinice podnosioca zahtjeva i za svakog punoljetnog člana uže porodice podnosioca zahtjeva iz općina u kojima se kretao od 30.04.1991.godine do dana podnošenja zahtjeva.
- 6 Rješenje nadležnog stambenog organa o kolektivnom ili privremenom smještaju,
- 7 Ugovor o podstanarskom statusu sklopljen između stanodavca i podnosioca prijave za dokazivanje podstanarskog statusa,
- 8 Dokaz općinske službe o trenutnim uslovima stanovanja podnosioca zahtjeva,
- 9 Ovjerena kućna lista o broju članova domaćinstva podnosioca zahtjeva. Uz kućnu listu dostaviti i ovjerene kopije prijave stalnog prebivališta ili privremenog boravka izdatim od nadležnog MUP-a za svakog punoljetnog člana uže porodice a za maloljetnog rođni list,
- 10 Rješenje o utvrđivanju procenta i grupe invaliditeta ili rješenje o ostvarivanju prava na porodičnu invalidninu,
- 11 Uvjerenje nadležnog vojnog ili policijskog organa o dodjeli priznanja,
- 12 Uvjerenje nadležne sportske asocijacije o učešću i osvajanim medaljama.
- 13 Dokaz o ukupnim primanjima podnosioca zahtjeva (potvrda primanja od poslodavca, ček od penzije iz radnog odnosa, odnosno primanja po osnovu lične i porodične invalidnine, ličnog i porodičnog materijalnog obezbjeđenja)

VII

Ukoliko podnosilac zahtjeva traži novčana sredstva, pored dokaza iz tačke VI, treba priložiti dokaze u skladu sa namjenom i to:

1. Za opravku i sanaciju porodičnog stambenog objekta:

- građevinska dozvola,
- zemljišno-knjižni izvadak
- predračun radova za sanaciju radova.

2. Za opravku i sanaciju stana:

- dokaz o vlasništvu stana,
- predračun radova za sanaciju.

3. Za izgradnju porodičnog stambenog objekta:

- građevinska dozvola,
- zemljišno-knjižni izvadak,
- predračun radova iz projekta.

4. Za izgradnju stana:

- ugovor o izgradnji ili dogradnji stana,
- predračun radova iz ugovora.

5. Za kupovinu porodičnog stambenog objekta ili stana:

- kupoprodajni ugovor ili predugovor ovjeren od nadležnog organa i građevinska dozvola i zem.-knjižni izvadak na ime prodavca (za porodični stamb. objekt),
- kupoprodajni ugovor ili predugovor ovjeren od nadležnog organa o kupljenom stanu sa dokazom vlasništva prodavca.

VIII

Prijave na Javni oglas sa potrebnim odgovarajućim dokumentima dostaviti isključivo poštom preporučeno na adresu: **Fondacija za pružanje pomoći u rješavanju stambenih pitanja pripadnika boračkih populacija, ulica Danijela Ozme br. 7, 71000 Sarajevo.**

Javni oglas ostaje otvoren 25 (dvadesetpet) dana od dana objavljivanja.

Prijem zahtjeva će se vršiti od dana objavljivanja Javnog oglasa zaključno sa 01.04.2009.godine (srijeda)

O rezultatima Javnog oglasa aplikanti će biti obavještavani putem štampe, udruženja i udruga boračkih populacija, oglasne table Fondacije i web stranice.

Bliže informacije mogu se dobiti neposredno u Fondaciji ili na telefon 033/558-900.

Javni oglas i jedinstveni obrazac zahtjeva za kredit nalazi se na web stranici Fondacije: www.fbp.ba

Napomena:

- 1. Jedinstveni obrazac zahtjeva za kredit može se dobiti u prostorijama Fondacije, općinskom organu uprave nadležne za boračko-invalidsku zaštitu i općinskim udruženjima i udrugama koje okupljaju boračku populaciju.**
- 2. Zahtjevi i dokumentacija će se primati isključivo poštom preporučeno.**
- 3. Svi podnosioci zahtjeva (bez obzira da li su do sada podnosili zahtjeve ovoj Fondaciji) dužni su dostaviti dokumentaciju ne stariju od 6 mjeseci.**
- 4. Kredit se može odobriti za rješavanje stambenih pitanja u svim slučajevima iz tačke 3 alineje jedan ovog Javnog oglasa osim licima koji su do sada bili korisnici sredstava Fondacije ili svih drugih oblika korištenja sredstava (federalnih, kantonalnih ministarstava, nekog drugog organa, institucija ili humanitarnih organizacija) vezano za rješavanje stambenih pitanja.**
- 5. Nepotpune i neblagovremene prijave neće se uzimati u razmatranje.**
- 6. Obavezno predavati fotokopije dokumenata koje moraju biti ovjerene ili orginale.**
- 7. Predata dokumentacija svih aplikacija se ne vraća podnosiocima zahtjeva.**